



Bab : Quran / Hadeesh / Dusre Uloom

Fasl : Quran

Sawal No : 82

Upload Date : 13-12-2023

Topic : Mobile Ke Andar Quran Ho, To Mobile Ka Adab Karna

Sawal : Mobile Ke Andar Quran Ho, To Mobile Ka Adab Karna Zaroori Hai ? Ya Nahi ?

Jawab : Mobile Allah Tala Ki Badi Nemat Hai, Jis Se Ham Apne Deeni Aur Dunyawī Bohot Se Kaam Sahulat Se Anjaam De Sakte Hai.

■ **Ye Alag Baat Hai, Ke Fuzuliyat Aur Gunaho Ke Kaam Me Istemaal Kar Ke Allah Ki Is Nemat Ki Jitni Na Qadri Ki Gai Hai, Shayad Hi Kisi Dusri Nemat Ki Itni Na Qadri Ki Gai Hogi, Is Nemat Ka Shukr Aur Qadr Dani Yahi Hai, Ke Is Ko Khair Ke Kaam Mai, Deeni Malumaat Hasil Karne Aur Deen Ki Isha'at (Phelane) Ke Liye Istemal Kiya Jaye, Ya Kam Az Kam Apni Dunyawī Zaruriyat Ko Pura Karne Mai Hi Istemal Kiya Jaye.**

■ **Lihaza Mobile Ke Zariye Music Sunna, Film/Web Series/Series Download Kar Ke Rakhna Ya Daikhna, Ye Sab Allah Ki Nemat Ki Na Qadri Aur Be Adbi Hai, Chahe Mobile Mai Qur'an E Kareem Ya Deeni Kitabain Ho, Ya Na Ho.**

■ Haa! Qur'an E Kareem Ya Deeni Kitabain Mobile Mai Ho, To Is Ki Wajah Se Aur Zyada Adab Aur Lihaz Rakhte Huwe Fuzuliyaat, Lagwiyyat Aur Gunaho Se Mobile Ko Paak Saaf Rakhna Chahiye.

■ Us Ke Ilawa Mobile Par Jab Qur'an E Kareem Screen Par Khula Huwa Ho, To Bagair Wuzu Ke Mobile Ko Chuna Bhi Nahi Chahiye, Aur Isi Tarah Khuli Screen Par Qur'an E Kareem Ho, To Baitul Khala Mai Bhi Le Kar Nahi Jana Chahiye. Fakt - Allah Ta'ala Sabse Zyada Janne Wale Hai.

Ye Jawab Darul Ifta Wal Irshad, Shahpore, Surat Ki Official Website
www.suratifta.com Se Download Kiya Huwa Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER